

Časowy plan schwaleny

Iniciatiwna skupina za Serbski sejm přihotuje wólby

Nowa Łuka (SN/MkWj). Cyłkownje 13 člonow rady starostow a Inicijatywy za demokratisce legitimowane ludowe zastupnistwo serbskeho ludu je so minjeny tydžeń w Nowej Łuce, gmejna Halštrowska Hola, schadźowało. Wuradźowachu tam wo dalším postupowanju hladajo na Serbski sejmik.

Spočatnje móžachu spokojeni zwěsćić, zo statne zarjady demokratiske hibanje njehaća, kaž z nowinskeje zdžělenki inicijatywy wuchadźa. Na tamnym boku njedóstawa inicijatywa tež žanu aktiwnu podpěru, tak zo změje Serbski sejm najprjedy raz dospołnje čestnohamtsce dže-

lacych zapósłancow, bjez kóždehožkuli zarunanja wudawkow. Wšitke wuhotowske, zarjadniske a financne kompetency a zjawnoprawniske status wotpo-hladaneje kulturneje a kubłanskeje awtonomije maja so hakle poněčim přesa-dzić. „Wot wšeho spočatka pak jedna so wo poľnohódne demokratisce legitimo-wane ludowe zastupnistwo serbskeho lu-du a wo městno, na kotrymž naš lud transparentnje kaž tež na wotewrjene a na wujednanje wusměrjene wašnje zhromadnje wo svojich stawiznach, wo přitomnosći a wo přichodže diskutuje“, rěka w zdžělenke inicijatywy.

Z jasnym fokusom wobzamkny rada starostow wólbný porjad kaž tež přislušacy financny a časowy plan. Wón předwidzi namołwu, zapisać so do wólbných lisćin a zo maja zjednoćenstwa a skupiny spočatk meje kandidatow namjetować. Srjedź awgusta chcedźa lisćiny kandida-tow doskónčnje nastajić a podložki za li-stowe wólby rozesłać. Cyły čas hač do po-slednjeho dnja listowych wólbow spo-čatk nowembra je předwidžane, zo by-chu zjednoćenstwa a skupiny svojich kandidatow a swoje kandidatki předsta-jili, ale tež swojske namjety a mysle za přichodnje bóle samopostajowace serb-ske zhromadženstwo rozjimali.

Na wuradźowanju je rada starostow dr. Hageny Domašku z Drježdžan za wólbnego nawodu powołała. Wón wo-broći so direktnje na serbsku zjawnosć: „Přeprošuju wšitke zjednoćenstwa a sku-piny, zo bychy mi hač do 25. apryla 2018 z mejlku na wolbny-wuberk.serbski-sejm@mailbox.org namjetowali kmane wo-soby za člonow předsydstwa za listowe wólby. Jich hłowny nadawk je zwě-sćić wuslědky listowych wólbow, a to na zjawnym posedženju po wólbach. Woni džělaja čestnohamtsce. Přichodne zjaw-ne posedženje za přihot wólbow je 23. apryla.